

Na osnovu člana 131. Zakona o prostornom uređenju i građenju ("Službene novine TK", broj: 6/11, 4/13, 15/13, 3/15, 2/16 i 4/17) Služba za prostorno uređenje i zaštitu okoline Grada Tuzle, objavljuje:

JAVNI POZIV
za podnošenje prijave za učešće u radu komisija za tehnički pregled građevina
za koje odobrenje za građenje izdaje
Služba za prostorno uređenje i zaštitu okoline Grada Tuzle

I

Pozivaju se zainteresovana fizička lica da podnesu prijave za učešće u radu komisija za tehnički pregled građevina za koje odobrenje za građenje izdaje Služba za prostorno uređenje i zaštitu okoline Grada Tuzle, i to sljedećih struka :

- arhitekture
- građevine
- elektrotehnike (jaka ili slaba struja)
- mašinstva
- geologije
- geodezije
- zaštite od požara i eksplozija
- zaštite na radu
- zaštite okoline
- tehnologije
- kontrole sanitarnih uslova.

II

Na javni poziv mogu se prijaviti lica koja imaju namanje VSS, diplomirani inženjeri, iz struka navedenih u tački I javnog poziva, sa najmanje 5 (pet) godina radnog iskustva, položenim stručnim ispitom i iskustvom u projektovanju ili izvođenju građevina sličnih izgrađenoj građevini.

III

Uz potpisanu prijavu sa tačnom adresom, brojem telefona/mobitela i e-mail adresom, potrebno je priložiti:

- CV sa listom referenci
- ovjerenu kopiju diplome o završenom fakultetu
- dokaz o radnom stažu nakon sticanja diplome iz tačke II javnog poziva (potvrde ili uvjerenja poslodavca ili poslodavaca kod kojih je stručno lice radilo ili radi, ili uvjerenje Zavoda za PIO – listing uz obavezno dostavljanje potvrde koja razjašnjava šifre sa listinga); fotokopija radne knjižice neće se cijeniti
- ovjerenu kopiju uvjerenja o položenom stručnom ispitu
- ovjerenu Izjavu kojom podnosilac prijave izjavljuje da će blagovremeno pisanim putem obavijestiti Službu za prostorno uređenje i zaštitu okoline Grada Tuzle, radi izuzeća u radu komisije, u slučaju da je u srodstvu sa investitorom građevine koja je predmet tehničkog pregleda, ako je učestvovao u izradi tehničke dokumentacije, reviziji glavnog ili izvedbenog projekta i nadzoru nad gradnjom predmetnog objekta (primjerak izjave se nalazi na web stranici Grada Tuzle: http://grad.tuzla.ba/wp-content/uploads/2019/10/URNEK_Licna_racun-FINAL.doc)
- na formatu lista A4 kopirati ličnu kartu i karticu žiro računa prema primjerku koji se nalazi na web stranici Grada Tuzle: http://grad.tuzla.ba/wp-content/uploads/2019/10/URNEK_Licna_racun-FINAL.doc

IV

Nakon komisijskog pregleda i obrade pristiglih prijava, a najkasnije u roku od 30 dana od dana zaključenja javnog poziva, utvrđena lista lica koja ispunjavaju uslove za obavljanje poslova tehničkog pregleda

građevina biće istaknuta na oglasnoj ploči Službe za prostorno uređenje i zaštitu okoline Grada Tuzle, tokom 30 dana od dana isticanja, nakon kojeg perioda se o sadržaju iste zainteresovani mogu informisati u prostorijama Službe za prostorno uređenje i zaštitu okoline.

Utvrđena lista lica koja ispunjavanju uslove za obavljanje tehničkog pregleda građevina će važiti dvije godine.

V

Rok za podnošenje prijave je 30 dana od dana objavljivanja javnog poziva u dnevnom listu.

Prijave se mogu podnijeti putem pisarnice Grada Tuzle ili poštom na adresu:

Grad Tuzla, Služba za prostorno uređenje i zaštitu okoline
Ul. ZAVNOBIH-a br. 11
75000 Tuzla,

u zapečaćenoj koverti, sa naznakom: "Prijava na javni poziv za učešće u radu komisija za tehnički pregled građevina – NE OTVARAJ"

Na koverti obavezno naznačiti: ime, prezime, adresu i broj telefona podnosioca prijave.

Neblagovremene i nepotpune prijave neće se uzimati u razmatranje.

Dokumentacija predata uz prijavu se ne vraća podnosiocu.

VI

Sve dodatne informacije mogu se dobiti u Službi za prostorno uređenje i zaštitu okoline Grada Tuzle, direktno ili putem telefona: 035/370-450.